

Sä'mmla Lää'ddjânnmest

Lää'ddjânnmest sârnna koumm jee'res sää'mkiõl: tâ'vvsää'mkiõl, nuõrttsää'mkiõl da aanrõškiõl. Aanrõškiõll lij täin kooum kiõlâst o'dinakai, koon sârnna pâi Lää'ddjânnmest, ä'rbbvuâlze'ld Aanar kââ'dd vuu'dest. Tâ'vvsää'mkiõl ä'rbbvuâlâž sârnnamvuu'd Lää'ddjânnmest lie Uccjokk, Aanar, Enontekiö da Suä'djel tâ'vv-vu'vdd.

Nuõrttsää'mkiõl sârnnamvu'vdd lij ä'rbbvuâdlânji vuállam Taarr Njâuddmest Ruošš Peaccma. Lää'dd beä'lnn nuõrttsä'mmlai jeä'lstemsââ'j lie Njeä'llmest, Če'vetjääu'rest da Kevjääu'rest. Aanrõškiõl sârnai liâ nu't 400, nuõrttsää'mkiõl sâ'rnnai miâlggâd seamma ve'rd da tâ'vvsää'mkiõl sâ'rnnai muä'dd dohat. Sää'mkiõli se'st liâ še jee'resna'llšem vooudlaž kiõl koin liâ mâtamna'llšem jeä'rdõõzz. Õuddmiârkkann tâ'vvsää'mkiõl viõsttârvuu'd kiõlâst sârnna-ve'rbb lij hupmat /hupmaht/ da nuõrttvuu'dkiõlast hállat /haallaht. Viõsttârvuu'dkiõl vuäitt kuullâd há't mâka Enontekiõst da nuõrttvuu'dkiõl Uccjooggâst. Nuõrttsää'mkiõlâst da aanrõškiõlâst še lie jiijâs vu'vddkiõl.

Muânn sää'n kooum sää'mkiõlle:

Aanrõškiõll	Nuõrttsää'm	Tâ'vvsää'mkiõll
puoh	puk	buot
kyehti	kuõ'htt	guokte
kyeli	ku'e'll	guolli
iilvâs	riiss	albbas
päikki	päi'kk, domm	ruoktu

Kõjldõõzz:

1. Mõõn kiõl le'be maid kiõlid ton sârnna?
2. Koo'n ä'rnn ton leäk šõddâm?
3. Koo'n ä'rnn tuu puärraz da maaddârpuärraz lie sââddaž?